

禮書卷第一



冕服

衮冕

十二章之服

大裘而冕

冕服

鷩冕

卷四十八

書曰天命有德五服五章哉又曰予欲觀古人之象日

星辰山龍華蟲作會宗彝藻火粉米黼黻絺繡以五

采彰施于五色作服汝明孔氏曰日月星為三辰宗廟彝尊亦以山龍華蟲為飾火為火字粉若粟米米若聚

典命上公兩已相背命其衣服以九為節侯伯七命其衣服以七

為節子男五命其衣服以五為節王之三公八命其卿

命及其出封皆加一等其衣服亦如之

命其大夫再

皮帛眡小國之君其卿三命其大夫再

命其衣服各眡其命之數侯伯之卿大夫士

書名 禮書一百五十卷 宋刊元修

撰者 宋 陳祥道 撰
卷四十八
經 禮 三禮總義 宋
貴重 8
A259500

彩色首頁1

東洋文化研究所漢籍目錄 編號: A259500
東洋文化研究所漢籍目錄所藏漢籍善本文影像資料庫 索書號: 貴重 8
漢籍善本文影像資料庫文本禮書一百五十卷 宋刊元修本
版權所有: 東京大學 東洋文化研究所
使用上の注意事項

平手間則席常設於賓未至之前几常授於行禮之

際其將授也必拂

曲禮曰進几杖者拂之士昏禮主人拂几

拂於尊者內拂皆拂之以下外其授之也必拜送其受也必拜答執之

或橫或中攝授之或受其足或受于手間其避拜送

也或以几辟

昏聘禮皆以几有辟以賓卑故也

或不以几辟

有司徹不去以其敬父

母不傳

內則父母

其謀於長者必操以從是皆稱情以

為文故也禮王大朝覲大饗射凡封國命諸侯祀先

王昨席皆玉几諸侯祭祀彫几昨席筵國賓彤几凡

甸役漆几鄭氏謂諸侯朝者彫几聘者彤几聘者孤

彤几卿大夫其漆几歟然禮於祭祀言彫几而朝者

不與於國賓言彤几則無間於孤卿大夫不知鄭氏

何據云然耶馬融曰几長三尺阮湛曰几長五尺高


二尺舊圖几兩端赤中央黑蓋各述其所傳然也觀

禮天子設斧戣左右王几司几筵大朝覲大饗射封
國命諸侯王位設黼依左右王几几所憑以安者也
王於朝覲會同立而不坐曲礼曰天子當依而立曰覲當寧而立曰朝明堂位曰天子負斧戣而立
非有所憑也然必設几者鄭氏釋太宰謂立而設几優
至尊也荀卿曰周公負戣而坐諸侯趨走堂下得非
所傳聞者異歟儀禮昏聘公食大夫皆有几冠禮醴
賓鄉飲酒鄉射及燕賓無几皆輕重之別也喪或同
時在殯則每敦異几郑氏曰敦讀曰肅肅覆也及祭則同几生事鬼
事之別也几不特施於行禮而已燕居亦有焉士喪
禮所謂燕几是也不特施於燕居而已田役軍旅亦
有焉周禮甸役右漆几春秋之時智伯在軍投之以
几是也晉伐潁陽城荀偃士勾請班師智伯怒授之以几出於其間不特所憑以安而已
死者用之狗足尸與嫁者或用以乘車士喪禮綴足

王制曰有虞氏養國老於上庠養庶老於下庠夏后氏養
國老於東序養庶老於西序商人養國老於右學養
庶老於左學周人養國老於東膠養庶老於虞庠虞庠
在國之西郊又曰天子命之教然後為學小學在公宮南
之左太學在郊天子曰辟廱諸侯曰頴宮又曰耆老皆
朝于庠文王世子曰春夏學于棫杲秋冬學羽籥皆於
東序春誦夏弦大師詔之瞽宗秋學禮執禮者詔之冬
讀書典書者詔之禮在瞽宗書在上庠學記曰古之教
者黨有庠術有序國有學文王世子曰凡祭與養老乞
言合語之禮皆小樂正詔之於東序凡語于郊者於成
以及取爵於上尊天子視學大昕鼓徵有司卒事適東


序明堂位曰米廩有虞氏之庠也序夏后氏之序也瞽
宗商學也頤宮周學也禮器曰魯人將有事于上帝必
先有事於頤宮祭義曰祀三老五更於太學所以教諸
侯之弟祀先賢於西學所以教諸侯之德西學周
小李也又曰
天子設四學當入學而太子齒四事謂周四
郊虞庠之季鄉飲酒賓迎
于庠門之外孟子曰夏曰校商曰序周曰庠詩曰鎬京
辟廱又曰於樂辟廱又曰思樂泮水又曰子衿刺學校
廢也周札州長每秋以禮會民射于州序黨正以禮屬
民飲酒于序大司樂掌成均之法以治建國之學政而合
國之子弟凡有道者有德者使教焉死則以爲樂祖祭
於瞽宗又曰春合諸學秋合諸射賈誼曰帝入東學上
親而貴仁則親疎有序而恩相及矣帝入南學上齒而
貴信則長幼有差而民不誣矣帝入西學尚賢而貴德
則聖智在位而功不遺矣帝入北學上貴而尊爵則貴
賤有等而下不踰矣帝入太學承師問道退習而考於
太傅太傅罰其不則而正其不及董仲舒曰成均五帝
之學書大傳曰古之帝王必立大學小學使公卿之太
子元士大夫之子十有三年始入小學見小節焉踐小
義焉二十入大學見大節焉踐大義焉故小師取小學
之賢者登之大學大師取大學之賢者登之天子


周四代學



魯四代學

記曰小亭在公宮率之左大亭在郊又曰魯人將有事於上帝必
先有事於洪宮則類宮在郊太亭也廣序在公宮南之右小亭也
白虎通曰諸侯曰類宮半者多璜也獨南面禮儀
之方有水耳其說是也鄭康成曰類班也非是





四代之學虞則上庠下庠夏則東序西序商則右學
左學周則東膠虞庠而周則又有辟廱成均瞽宗之
名則上庠東序右學東膠大學也故國老於之養焉
下庠西序左學虞庠小學也故庶老於之養焉記曰
天子設四學蓋周之制也周之辟廱即成均也東膠
即東序也瞽宗即右學也蓋以其明之以法和之以
道則曰辟廱鄭氏釋王制謂辟明也廱和也所以明和天下毛氏釋詩謂
水旋立如璧以節觀者故曰辟廱孔穎達曰礼注解其義詩
其形以其成其虧均其過不及則曰成均以習射事則
曰序以糾德行則曰膠以樂祖在焉則曰瞽宗以居
右焉則曰右學蓋周之學成均居中其左東序其右
瞽宗此大學也虞庠在國之西郊則小學也記曰天
子視學命有司行事祭先師先聖焉卒事遂適東序
設三老五更之席又曰食三老五更於太學所以教

諸侯之弟祀先賢於西學所以教諸侯之德夫天子視學則成均也命有司行事祭先師先聖焉即祀先賢於西學也祀先賢於西學則祭於瞽宗也有司卒事適東序設三老五更之席即養國老於東膠也養國老於東郊即祀三老五更於大學也然則商之右學在周謂之西學亦謂之瞽宗夏之東序在周謂之東膠亦謂之太學蓋夏學上東而下西商學上右而下左周之所存特其上者耳則右學東序蓋與成均並建於一丘之上而已由是觀之成均頒學政右學祀樂祖東序養老更右學東序不特存其制而已又因其所上之方而位之也夫諸侯之學小學在內大學在外故王制言小學在公宮南之左大學在郊以其選士由內以升於外然後達于京故也天子之學

小學居外大學居內故文王世子言凡諸于郊然後於成均取爵於上尊以其選士由外以升於內然後達于朝故也明堂位曰米廩有虞氏之庠也序夏后氏之序也瞽宗商學也類宮周學也類宮則泮水也其制半於辟廱而水蓋闕於北方也諸侯樂懸闕其南而泮水闕其北者闕南而存北所以便其觀也闕北而示南所以便人之觀也泮宮大學也魯之大學在郊魯之大學在郊故將有事於上帝則於之先有事焉然則序與瞽宗蓋亦設於類宮之左右而米廩其公宮南之小學歟孟子曰夏曰校商曰序周曰庠何也孟子因論井地而及此則校庠序者鄉學也鄉飲酒主人迎賓于庠門之外鄉簡不帥耆老皆朝于庠則庠鄉學名也周官州長會民射于州序黨正會民飲酒于序則序亦鄉學名

也鄭人之所欲毀者謂之鄉校則校亦鄉學名也然鄉曰庠記言黨有庠州曰序記言遂有序何也古之致仕者教子弟於閭塾之基則家有塾云者非家塾也合二十五家而教之於閭塾謂之家有塾則合五黨而教之鄉庠謂之黨有庠可也周禮遂官各降鄉官一等則遂之學亦降鄉一等矣降鄉一等而謂之州長其爵與遂大夫同則遂之學其名與州序同可也周之時干戈羽籥在東序絃誦與禮在瞽宗書在上庠以言學者之事始乎書立乎禮成乎樂而舞又樂之成焉故大司樂言樂德樂語而終於樂舞樂師言樂成告備而終於皐舞孟子言仁義禮樂之實而終於不知手之舞之記言詩言志歌咏聲而終於動容此舞之所以爲樂之成也由小學之書以三書教童子之禮樂由瞽宗之禮樂而成之以東序之舞則周之教法可知矣漢明帝時視辟雍冠帶搢紳之人園橋門而觀者蓋億萬計則周人辟雍之制宜亦然也白虎通曰辟者壁也園以辟天外國內方明德當圓行當方考之於禮則璧之類皆外國內方圓而兩方陰陽之義也然則白虎通辟雍之論蓋有所受耳董仲舒以成均爲五帝之學大戴賈誼有帝入五學之說鄭康成謂周有四郊之虞庠王肅謂辟雍即明堂耳此皆不可考也